

16 апреля 2020 года

Страстная седмица

ВЕЛИКИЙ ЧЕТВЕРГ

**Последование малого повечерия с трипеснцем
для домашнего (келейного) совершения**

Молитвами святых отец наших, Господи Иисусе Христе, Боже наш, помилуй нас. **Аминь.**

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас. **Трижды, и три поклона.**

Слава Отцу, и Сыну, и Святому Духу, и ныне и присно, и во веки веков. **Аминь.**

Пресвятая Троице, помилуй нас: Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. Трижды.

Слава, и ныне:

Отче наш, Иже еси на Небесех, да святится имя Твое, да приидет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[**Яко Твое есть Царство и сила и слава во веки. Аминь. (Мф. 6: 9-13)**]

Господи, помилуй, 12.

Слава, и ныне:

Приидите, поклонимся Цареве нашему Богу.

Приидите, поклонимся Христу, Цареве нашему, Богу.

Приидите, поклонимся и припадём Самому Христу, Цареве и Богу нашему.

Псалом 50

Помилуй мя, Бóже, по велицей мýлости Твоей, и по мнóжеству щедрóт Твоих очисти беззакóние моё. Наипáче омый мя от беззакóния моего, и от грехá моего очисти мя; я́ко беззакóние моё аз зна́ю, и грех мой предо мно́ю есть вýну. Тебе́ Еди́ному согреших и лукавое пред Тобóю сотворих, я́ко да оправди́шия во словесéх Твоих, и победи́ши внегда́ суди́ти Ти. Се бо, в беззакóнных зачат есмь, и во гресéх роди́ мя ма́ти моя́. Се бо, и́стину возлюбил еси́; безвéстная и та́йная премýдрости Твоея́ явил ми еси́. Окропи́ши мя иссо́пом, и очы́шуся; омы́еши мя, и па́че снéга убелю́ся. Слу́ху моему́ да́си ра́дость и весéлие; возра́дуются ко́сти смире́нныя. Отврати́ лице́ Твое́ от грех мо́их и вся беззакóния моя́ очисти. Сёрдце чýсто сози́жди во мне, Бóже, и дух прав обнови́ во утробе́ моей. Не отвержи́ мене́ от лица́ Твоего́ и Дýха Твоего́ Свята́го не отыми́ от Мене́. Возда́ждь ми ра́дость спасéния Твоего́ и Дýхом Влады́чним утверди́ мя. Научу́ беззакóнныя путём Твоим, и нечестивии к Тебе́ обратят́ся. Избáви мя от крове́й, Бóже, Бóже спасéния моего́; возра́дуется язы́к мой правде́ Твоей. Гóсподи, устне́ мой отверзеши, и уста́ моя́ возвестят хвалу́ Твою́. Я́ко а́ще бы восхотёл еси́ жёртвы, дал бых úбо: всесо́жжéния не благоволи́ши. Жёртва Бóгу дух сокруше́н; сёрдце сокруше́нно и смире́нно Бог не уничи́жит. Ублажи́, Гóсподи, благоволе́нием Твоим Си́она, и да сози́ждутся стéны Иерусали́мския. Тогда́ благоволи́ши жёртву правды́, возноше́ние и всесо́жега́емая; тогда́ возложáт на олта́рь Твой тельцы́.

Псалом 69

Бóже, в по́мощь мою́ вонми́, Гóсподи, помощ́и ми потщ́йся. Да посты́дятся и посра́мятся и́щущии дýшу мою́, да возвратят́ся вспя́ть и посты́дятся хотя́щии ми злáя. Да возвратят́ся áбие стыдя́щеся глаго́лющии ми: блага́же, блага́же. Да возра́дуются и возвеселя́тся о Тебе́ вси и́щущии Тебе́, Бóже, и да глаго́лют вýну, да возвели́чится Гóсподь, любя́щии спасéние Твое́: аз же нищ есмь и убóг, Бóже, помози́ ми: Помощник мой и Избáвитель мой еси́ Ты, Гóсподи, не зако́снй.

Псалом 142

Гóсподи, услы́ши моли́тву мою́, внуши́ моле́ние моё во и́стине Твоей, услы́ши мя в правде́ Твоей и не вни́ди в суд с рабо́м Твоим, я́ко не оправди́тся пред Тобóю всяк живы́й. Я́ко погна́ враг дýшу мою́, смири́л есть в зéмлю живóт мой, посадил мя есть в тёмных, я́ко мёртвыя вéка. И уны́ во мне дух мой, во мне смяте́ся сёрдце моё. Помяну́х дни дрéвния, поучи́хся во всех дéлех Твоих, в творéниях руку́ Твоею́ поуча́хся. Воздéх к Тебе́ рýце мои́, душа́ моя́, я́ко земля́ безвóдная Тебе́. Ско́ро услы́ши мя, Гóсподи, исчезé дух

мой, не отврати́ лица́ Твоего́ от Мене́, и уподо́блюся низходя́щим в ров. Слы́шану сотвори́ мне за́втра ми́лость Твою́, я́ко на Тя упова́х. Скажи́ мне, Го́споди, путь во́ньже пойду́, я́ко к Тебе́ взях ду́шу мою́. Изми́ мя от враг мои́х, Го́споди, к Тебе́ прибе́гох. Научи́ мя твори́ти во́лю Твою́, я́ко Ты еси́ Бог мой. Дух Твой Благый наста́вит мя на зе́млю пра́ву. Имене́ Твоего́ ра́ди, Го́споди, живи́ши мя, пра́вдою Твоею́ изведе́ши от печа́ли ду́шу мою́. И ми́лостью Твоею́ потреби́ши враги́ моя́ и погуби́ши вся стужа́ющыя души́ мое́й, я́ко аз раб Твой есмь.

Великое славословие

Сла́ва в вы́шних Бо́гу, и на земли́ мир, в челове́цах благоволе́ние. Хва́лим Тя, благослови́м Тя, кла́няем Ти ся, славосло́вим Тя, благодари́м Тя, вели́кия ра́ди сла́вы Твоея́. Го́споди, Царю́ Небе́сный, Боже, О́тче Вседержи́телю, Го́споди Сы́не Единоро́дный, Иису́се Христэ́, и Святы́й Ду́ше. Го́споди Бо́же, А́гнче Бо́жий, Сы́не Оте́чь, вземля́й грех ми́ра, поми́луй нас. Вземля́й грехи́ ми́ра, приими́ моли́тву на́шу. Седя́й одесну́ю Отца́, поми́луй нас. Я́ко Ты еси́ Еди́н Свят; Ты еси́ Еди́н Госпо́дь, Иису́с Христос, в сла́ву Бо́га Отца́, ами́нь.

На вся́ку но́щь благословлю́ Тя и восхваляю́ и́мя Твое́ во ве́ки, и в век ве́ка.

Го́споди, прибе́жище был еси́ нам в род и род. Аз рех: Го́споди, поми́луй мя, исцели́ ду́шу мою́, я́ко согреши́х Тебе́. Го́споди, к Тебе́ прибе́гох, научи́ мя твори́ти во́лю Твою́, я́ко Ты еси́ Бог мой, я́ко у Тебе́ исто́чник живото́а, во све́те Твоем у́зрим свет. Проба́ви ми́лость Твою́ ве́дущим Тя.

Сподо́би Го́споди, в но́щь сию́ без греха́ сохра́нителя́ нам. Благословен еси́ Го́споди Бо́же отец на́ших, и хва́льно и просла́влено и́мя Твое́ во ве́ки, ами́нь.

Бу́ди, Го́споди, ми́лость Твоя́ на нас, я́коже упова́хом на Тя. Благословен еси́, Го́споди, научи́ мя оправда́нием Твои́м. Благословен еси́, Влады́ко, вразуми́ мя оправда́нием Твои́м. Благословен еси́, Святы́й, просвети́ мя оправда́нии Твои́ми.

Го́споди, ми́лость Твоя́ во век, дел руку́ Твоею́ не презри: Тебе́ подоба́ет хвала́, Тебе́ подоба́ет пе́ние, Тебе́ сла́ва подоба́ет, Отцу́, и Сы́ну, и Свято́му Ду́ху, ны́не и прýсно, и во ве́ки веко́в. Ами́нь.

Ве́рую во еди́наго Бо́га Отца́ Вседержи́теля, Творца́ не́бу и земли́, ви́димым же всем и неви́димым. И во еди́наго Го́спода Иису́са Христа́, Сы́на Бо́жия, Единоро́днаго, И́же от Отца́ рождённаго пре́жде всех век. Све́та от Све́та, Бо́га и́стинна от Бо́га и́стинна, рождённа, несотворённа, еди́носущна Отцу́, И́мже вся бы́ша. Нас ра́ди человек и на́шего ра́ди спасе́ния сше́дшаго с небе́с и воплоти́вшася от Ду́ха Свя́та и Мари́и Де́вы и вочелове́чшася. Распя́таго же за ны при Понти́йстем Пила́те, и страда́вша, и погребённа. И

воскрéсшаго в трéтий день по Писáнием. И возшédшаго на Небесá, и седяща одеснóу Отцá. И пáки грядúщаго со слáвою судíти живýм и мёртвым, Егóже Цáрствию не бúдет концá. И в Дúха Святáго, Гóспода, Животворящаго, Ёже от Отцá исходящаго, Ёже со Отцём и Сýном спокланяема и сславима, глагóлавшаго прорóки. Во едíну Святúю, Собóрную и Апóстольскую Цёрковь. Исповéдую едíно крещéние во оставлéние грехóв. Чаю воскрeсéния мёртвых, и жízни бúдущаго вéка. Амíнь.

**Трипеснец,
творение господина Андрея Критскаго. Глас 8.**

Песнь 5

Ирмóс: Мрак душí моея разженí, Светодавче Христé Бóже, начало-рóдную тьму изгнав бéздны, и даруй ми свет повелéний Твоих, Словé, да úтренюя слáвлю Тя.

Украсíся вéчера, и уготóвася Тебé Пáсха, якоже рекл есí, Христé: но Иúда на предáние Твоé поучáшеся, и сый с Тобóю вне Твоея цены, соглашáшеся сребролюбием.

Слáва Тебé, Бóже наш, слáва Тебé.

Востаёт с вéчери, и лéнтием препоясúется по чрeслом Христóс вóлею, и преклоняёт вýю, Петру вопиющу: никогда же моё нóзе умыeши, Творче мой, но обáче омый.

Слáва Тебé, Бóже наш, слáва Тебé.

Прият хлеб в рúце, на предáние Иúда льстíвный ученик, имже и предáние соделá Тебé, простираше нóзе, ихже Сам есí омыл, и лéнтием отёрл.

Слáва Тебé, Бóже наш, слáва Тебé.

Лобзáнием льстíвным Иúда тогда устá распирáше Тебé, имиже Тéло Твоé, Слóве, недостóйно омакáше, вопия Тебé, радуйся, учíтелю, лобзáтель и предáтель, раб и льстец.

Слáва Тебé, Бóже наш, слáва Тебé.

Петр, якоже зряше содеваемая тогда, úжасом одержím быв, рабýни обличíся худýм вопрошéнием: ёбо отвёржеся Тебé, Гóспода, не тóкмо якоже рекл есí, но и яко вéдал есí, вся вéдый.

Слáва Тебé, Бóже наш, слáва Тебé.

Зауша́ется Зижди́тель, и ударя́ется тварь поноше́нием Егó: трóстию би́ется хотя́, и вѣ́шняя преклоня́ются: оплева́ется Судия́, и основа́ния вся земна́я подвиза́ются.

Сла́ва Отцу́, и Сы́ну, и Свято́му Ду́ху.

Тѣрнием венча́ется Бог, зѣ́млю всю украше́й цветы́, и ра́ны приѣ́млет, и терпи́т поноше́ние долготерпели́вно, и багряни́цу поруга́ния но́сит, и терпи́т вся Бог сый, и стра́ждет Сво́ею плóтию.

И ны́не, и прѣ́сно, и во ве́ки веко́в. Ами́нь.

Да вопи́ет Иоáнн, сказа́уя уче́нии божѣ́ственными вопло́шение Твое́: Сло́во плоть быв из Дѣ́вы непрелóжно, и пребы́сть естество́м Бог, я́коже бе, не отступѣ́в оте́ческих Егó недр.

Ирмо́с: Мрак души́ моея́ разжени́, Светода́вче Христѣ́ Бóже, начало́-ро́дную тьму изгнав бѣ́здны, и да́руй ми свет повеле́ний Твои́х, Сло́ве, да у́тренюя сла́влю Тя.

Песнь 8

Ирмо́с: Покрыва́я вода́ми превѣ́спренняя Сво́я, полага́яй морю́ предѣ́л песо́к, и содержа́й вся: Тя поѣ́т со́лнце, Тя сла́вит луна́, Тебе́ прино́сит песнь вся тварь, я́ко Содо́телю всех во ве́ки.

Сла́ва Тебе́, Бóже наш, сла́ва Тебе́.

Одевая́я о́блаки не́бо, Иису́се, на престо́ле сла́вы ца́рствуя с нетле́нным Отце́м, Ты, приѣ́м лѣ́нтий, сим препоя́сался еси́ омы́ти но́ги брѣ́ннии, весь огонь сый, Сло́ве, а́ще и воплотѣ́лся еси́.

Сла́ва Тебе́, Бóже наш, сла́ва Тебе́.

Я́коже вся омы́в, возле́г Иису́с к Свои́м учени́ком глаго́лет: ве́сте вси, что сотвори́х ны́не. Образ бо дах вам смире́ния всем: да и́же хо́щет пе́рвый бы́ти, да бу́дет всех послѣ́дний произво́лением.

Сла́ва Тебе́, Бóже наш, сла́ва Тебе́

Чи́сти у́бо есте́, но не вси вы, Христóс друго́м возлежа́ющим на ве́чери рече́. Еди́н у́бо к друго́му не доведя́ще, рече́, сло́ва: те́мже по сих глаго́лет я́ве и́мя преда́теля.

Сла́ва Тебе́, Бóже наш, сла́ва Тебе́.

Я́коже Сия́ глаго́ля, на горе́ Еле́бнстей пришѣ́д, Судия́ всех со учени́ки, тогда́ у́бо глаго́лаше: Приидѣ́те, и по́йдем отсю́ду, приспе́ бо уже́ преда́тель; никто́же отвѣ́ржися Мене́, во́лею бо стра́жду.

Сла́ва Тебе́, Бо́же наш, сла́ва Тебе́.

О ле́стнаго лобза́ния! Ра́дуйся, учителю, Христу́ Иу́да глаго́лет, вку́пе с сло́вом преда́т на заколе́ние. Се бо даде́ зна́мение беззако́нным: егóже аз лобжу́, То́й есть, Егóже преда́ти вам обеща́хся.

Сла́ва Тебе́, Бо́же наш, сла́ва Тебе́.

Ят быв, Бо́же наш, от беззако́нных люде́й, и не пререку́я отню́д, ни вопи́я А́гнче Бо́жий, претерпе́л еси́ вся, испытáтися, и суди́тися, и би́ен бы́ти, связа́н и ве́дом бы́ти со ору́жии и дреко́льми к Каиа́фе.

Сла́ва Тебе́, Бо́же наш, сла́ва Тебе́.

Да распне́тся, вопи́яху евре́йстии лю́дие со священники и кни́жники, Иису́с Христо́с. **О** лю́дие неве́рнии! Чтó бо сотвори́ Яви́выйся, Воздвигну́вый Ла́заря от грóба и путь Сотвори́вый челове́ком на спасе́ние?

Сла́ва Тебе́, Бо́же наш, сла́ва Тебе́.

Пила́тову суди́щу беззако́ннии лю́дие, крича́ще вопи́яху: распни́ Сего́, отпусти́ же нам связа́на су́ща Варавву уби́йцу: Христа́ же пер́вее бив, возми́, возми́, распни́ со злоде́и.

Благослови́м Отца́, и Сы́на, и Свята́го Ду́ха, Го́спода.

О несказа́ннаго исто́щания! **О** неизглаго́ланнаго сове́та! Яко́ огонь сый, омы́л еси́ но́зе преда́телю, Спа́се: омы́в же не опали́л еси́, и подава́я хлеб на ве́чери, и та́йной служ́бе научáл еси́.

И ны́не, и при́сно, и во ве́ки веко́в. **Ами́нь.**

О но́ваго слы́шания! **Бог** Сын же́ны, и безсе́менна Рожде́ства, безму́жная Ма́ти, и рождéнное **Бог.** **О** ужа́снаго слы́шания! **О** зача́тия стра́шнаго! **О** де́вы нетле́ннаго Рожде́ства! **Войсти́ну** па́че ума́ вся, и вь́ше ве́дения.

Хвалим, благослови́м, покланя́емся Го́сподеви, пою́ще и превознося́ще во вся ве́ки.

Ирмо́с: Покрыва́я вода́ми превы́спренняя Своя́, полага́яй морю́ предéл песо́к, и содержи́ай вся: Тя поёт со́лнце, Тя сла́вит луна́, Тебе́ прино́сит песнь вся тварь, яко́ Содо́телю всех во ве́ки.

Песнь 9

Ирмо́с: Благослове́н Го́сподь Бог Изра́илев, воздвигну́вый рог спасе́ния нам, в до́му дави́дове о́трока Своего́: в ни́хже посети́ нас Восто́к с высоты́, и напра́вил ны́ есть на путь ми́ра.

Сла́ва Тебе́, Бо́же наш, сла́ва Тебе́.

Па́ки вы спите́, Хри́сто́с ученико́м рече́: бди́те, прибли́жися час, проче́е воста́ните, иде́м, дру́зи Мой. Се преда́тель учени́к всю спи́ру име́я, гряде́т преда́ти Мя человекоуби́йцам.

Сла́ва Тебе́, Бо́же наш, сла́ва Тебе́.

Лобза́ние твоё льсти́вное, и целова́ние го́рькое, кому́ зове́ши ле́стче? Глаго́ля бо, ра́дуйся, Равви́, Хри́сто́с ко И́уде веща́ше: дру́же, на не́же пришёл еси́, рече́: а́ще бо целова́ти пришёл еси́, что предлага́еши нож, ме́дом пома́занный?

Сла́ва Тебе́, Бо́же наш, сла́ва Тебе́.

Пила́тову суди́щу непови́нный Судия́, волею́ пришёл еси́ предста́ти, Хри́сте́, и изба́вити нас от долго́в на́ших. Те́мже претерпе́л еси́ благо́й плоти́ю ура́нен бы́ти, да вси при́йдем свобо́ждение.

Сла́ва Тебе́, Бо́же наш, сла́ва Тебе́.

Милосе́рдия пучи́на, ка́ко предстои́т огонь Пила́ту, се́ну и трóсти и земли́ су́щей, егóже не опали́ огонь Бо́жества, Хри́сто́с, но пожида́ше терпе́ливо и́же естество́м свобод, я́ко Человеколю́бец.

Сла́ва Тебе́, Бо́же наш, сла́ва Тебе́.

Возми́, возми́, распни́ глаго́лемаго Хри́ста́, иуде́е взыва́ху Пила́ту иногда́: сей же ру́це омы́ва́ше, и трóстию им писа́ше на Него́ вино́, всем да́рующую безсме́ртие.

Сла́ва Тебе́, Бо́же наш, сла́ва Тебе́.

Вопию́ще беззакóннии Пила́ту изли́ше: возми́, возми́, распни́ Хри́ста́, прося́ху уби́ти я́ко осужде́на. Не сей ли воскре́си ме́ртвыя, прока́женныя очисти́, кровоте́чивую исцели́, разсла́бленныя стягну́в?

Сла́ва Тебе́, Бо́же наш, сла́ва Тебе́.

Что́ бо зло сотвори́, я́ко взыва́ете вельми́: возми́, возми́, распни́ Егó? Пила́т иногда́ вопия́ше лю́дем неразу́мным: вины́ не обрета́ю в Нем. Онí же го́рько вопия́ху: возми́, возми́, распни́ Спа́са всех.

Сла́ва Тебе́, Бо́же наш, сла́ва Тебе́.

О иуде́е беззакóннии! О неразу́мнии лю́дие! Не помяну́сте ли что от чуде́с Хри́стовых, мно́жество исцелений? Но и все́я егó не разуме́ете ли Бо́жественныя си́лы, я́коже пе́рвии отцы́ ва́ши, ны́не же и вы не разуме́ете?

Сла́ва Отцу́, и Сы́ну, и Свято́му Ду́ху.

Би́ен быв Зиждíteлю мой, и преда́лся еси́ мене́ ра́ди распя́тися, да спасе́ние моё посреде́ земли́ соде́лав, источи́ши ми́рови жизнь, и обезсме́ртиши честно́ю Твое́ю Кро́вию, покланя́ющыяся Тебе́.

И ны́не и прѣсно, и во ве́ки веко́в. **Ами́нь.**

А́гница Твоя́, Влады́ко, предсто́ящи у Креста, и рыда́ющи, Тебе́, Творца́ вся́ческих, зря́ще Твое́ долготерпе́ние: во́лею бо роди́лся еси́ плоти́ю, и стра́сти вся в ней претерпе́л еси́, да спасе́ши мир.

Ирмо́с: **Б**лагослове́н Госпо́дь Бог Изра́илев, воздвигну́вый рог спасе́ния нам, в до́му да́видове о́трока Своего́: в ни́же посети́ нас Восто́к с вы́соты, и напра́вил ны е́сть на путь ми́ра.

Та́же:

Святы́й Бо́же, Святы́й Кре́пкий, Святы́й Безсме́ртный, поми́луй нас. **Трижды, и три поклона.**

Сла́ва Отцу́, и Сы́ну, и Свято́му Ду́ху, и ны́не и прѣсно, и во ве́ки веко́в. **Ами́нь.**

Пресвята́я Трѣице, поми́луй нас: Го́споди, очисти́ грехи́ на́ша; Влады́ко, прости́ беззако́ния на́ша; Святы́й, посети́ и исцели́ немо́щи на́ша, и́мене Твоего́ ра́ди.

Го́споди, поми́луй. **Трижды.**

Сла́ва, и ны́не:

О́тче наш, И́же еси́ на Небесе́х, да святѣ́тся и́мя Твое́, да прии́дет Ца́рствие Твое́, да бу́дет во́ля Твоя́, я́ко на Небеси́, и на земли́. Хлеб наш насущный даждь нам днесь; и оста́ви нам до́лги на́ша, я́коже и мы оставля́ем должни́ком на́шим; и не введи́ нас во искуше́ние, но изба́ви нас от лука́ваго.

[Я́ко Твое́ е́сть Ца́рство и си́ла и сла́ва во ве́ки. Ами́нь. (Мф. 6: 9-13)]

Конда́к, глас 8:

Нас ра́ди распя́таго, прииди́те вси воспо́йм: Того́ бо ви́де Мари́а на дре́ве, и глаго́лаше: а́ще и распя́тие терпи́ши, Ты еси́ Сын и Бог мой.

Го́споди, поми́луй. **40.**

И́же на вся́кое вре́мя и на вся́кий час, на Небеси́ и на земли́, покланя́емый и сла́вимый, Христе́ Бо́же, Долготерпели́ве, Многоми́лостиве, Многоблаготро́бне, И́же пра́ведныя любя́й и грешны́я ми́луй, И́же вся зовы́й ко спасе́нию обеща́ния ра́ди бу́дущих благ. Сам, Го́споди, приими́ и на́ша в час сей моли́твы и испра́ви живо́т наш к за́поведем Твои́м, ду́ши на́ша освяти́,

телеса очисти, помышления исправи, мысли очисти и избави нас от всякия скорби, зол и болезней, оградí нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, аминь.

Слава, и ныне:

Господи, помилуй. Трижды.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Молитвами святых отец наших, Господи Иисусе Христе, Боже наш, помилуй нас. **Аминь.**

И молитва молебная ко Пресвятей Богородице:

Нескверная, Неблзная, Нетленная, Пречистая, Чистая Девó, Богоневесто Владычице, яже Бога Слова человеком преславным Твоим Рождеством соединившая, и отринувшееся естество рода нашего небесным совокупльшая: яже ненадежных еди́на Надежда, и боримых по́моще, готовое заступлени́е к Тебе́ притекающих, и всех христиа́н прибежище. Не гнушайся мене́ грешнаго, сквернаго, скверными по́мыслы, и словесы́, и деяньми всего́ себе́ непотребна сотворша, и разумом лености́ сладстей жития́ раба́ бывша; но яко́ человеколюбиваго́ Бога́ Ма́ти, человеколю́бне умилосе́рдися о мне грешнем и блуднем, и прими́ мое́, еже от скверных устен приносимое Тебе́ моление́: и Твоего́ Сы́на, и нашего́ Влады́ку и Господа́, матернее Твое́ дерзновение́ употребля́ющи, моли́, да отве́рзет и мне человеколю́бныя утробы́ Своея́ бла́гости, и презре́в моя́ безчи́сленная прегрешения́, обрати́т мя к покая́нию, и Свои́х за́поведей де́лателя иску́сна яви́т мя. И предста́ни мне при́сно, яко́ милостивая, и милосе́рдая, и благолю́бивая, в настоя́щем у́бо жития́ те́плая Предста́тельница и Помощница́, сопроти́вныя нашест́вия отгоня́ющи, и ко спасе́нию наставля́ющи мя: и во вре́мя исхода́ моего́ окаянную мою́ ду́шу соблюда́ющи, и те́мныя зра́ки лука́вых бесо́в далече́ от нея́ отгоня́ющи: в стра́шный же день суда́ вечно́я мя избавля́ющи му́ки, и неизрече́нныя сла́вы Твоего́ Сы́на и Бога́ нашего́ насле́дника мя показу́ющи. Ю́же и да улучу́, Влады́чице моя́, Пресвята́я Богородице, Твоим ходата́йством и заступлени́ем, благода́тию и человеколю́бием Единоро́днаго Сы́на Твоего́, Господа́ и Бога́ и Спа́са нашего́ Иису́са Христа́. Ему́же подобает вся́кая сла́ва, честь и поклонение́, со Безнача́льным Его́ Отце́м, и Пресвяты́м, и Благо́м, и Животворя́щим Его́ Ду́хом, ныне́ и при́сно, и во ве́ки веко́в, аминь.

**Молитва иная ко Господу нашему Иисусу Христу,
Антио́ха монаха Пандэкта:**

И даждь нам, Влады́ко, на сон грядúщим по́кой тэ́ла и ду́ши, и сохрани́ нас от мра́чнаго сна грехо́внаго, и от вся́каго тэ́мнаго и но́чнаго сладостра́стия: укроти́ стремлэ́ния страстéй, угаси́ разжжéнные стрéлы лука́ваго, я́же на ны льстíвно двíжимыя: плóти на́шея востáния утоли́, и вся́кое земно́е и вещéственное на́ше мудровáние успí. И дáруй нам, Бóже, бодр ум, целомúдр пóмысл, сёрдце трезв́ящееся, сон легóк и вся́каго сатани́на мечтáния изменéн. Возста́ви же нас во врéмя молíтвы утверждéны в за́поведех Тво́их, и пáмьть судéб Тво́их в себé твёрду имúща: всенóщное славослóвие нам дáруй, во éже пéти и благословíти и слáвити пречестно́е и великолéпое íмя Твоё, Отца́, и Сы́на, и Свята́го Дúха, ны́не и прíсно, и во вéки векóв, амíнь.

Преслáвная Приснодéво, Мáти Христá Бóга, принеси́ на́шу молíтву Сы́ну Твоему́ и Бóгу на́шему, да спасёт Тобóю ду́ши на́ша.

Молитва иная свя́таго Иоанни́кия:

Уповáние моё Оте́ц, прибéжище моё Сын, покрóв мой Дух Святы́й, Трóице Свята́я, сла́ва Тебé.

Сла́ва, и ны́не:

Гóсподи, помíлуй. **Трижды.** Благослови́.

Отпу́ст

Христé, íстинный Бóже наш, молíтвами Пречíстыя Твоея́ Мáтере, преподóбных и богонóсных отéц на́ших и всех свята́ых, помíлуй и спаси́ нас, я́ко Благ и Человеколю́бец. Амíнь.

И просим друг у друга прощения

И молитва:

Ненавídящих и обíдящих нас прости́, Гóсподи, Человеколю́бче. Благотворя́щим благосотвори́. Бра́тиям и срóдником на́шим дáруй я́же ко спасéнию прошéния и жизнь вéчную. В нéмощих сúщия посети́ и исцелéние дáруй. Ё́же в мо́ри упра́ви. С путешéствующими спутешéствуй. Служáщим и мíлюющим нас, грехóв оставлэ́ние дáруй. Заповéдавших нам, недостóйным, молíтися о них, помíлуй по вели́цей Твое́й мíлости. Помяни́, Гóсподи, прéжде усóпшия отцы́ и бра́тию на́шу, и упо́кой я́, иде́же присещáет свет лица́ Твоегó. Помяни́, Гóсподи, бра́тий на́ших пленéнных и избáви я́ от вся́каго обстоя́ния. Помяни́, Гóсподи, плодоно́сящих и добродéлающих во свята́ых Тво́их цéрквах, и даждь им я́же ко спасéнию прошéния и жизнь вéчную. Помяни́, Гóсподи, и нас, смире́нных и грéшных и недостóйных раб

Твои́х, и просвети́ наш ум свѣтомъ ра́зума Твоего́, и наста́ви нас на стезю́ за́поведей Твои́х. Молитвами Пречи́стыя Влады́чицы на́шей Богоро́дицы и Присноде́вы Мари́и и всех Твои́х святы́х. Яко́ благословѣн еси́ во ве́ки веко́в. **Ами́нь.**